

**«Қарағанды
техникалық университеті» КЕ
АҚ Директорлар кеңесінің
шешімімен (2021 жылғы «22»
маусымдағы №4 хаттама)
БЕКІТІЛДІ**

**«Қарағанды техникалық университеті» КЕ АҚ
ОҚУҒА ҚАБЫЛДАУ ЕРЕЖЕЛЕРІ**

Жалпы ережелер

«Қарағанды техникалық университеті» КЕ АҚ оқуға қабылдау ережесі (бұдан әрі Қабылдау ережесі) «Білім туралы» Қазақстан Республикасының 2007 жылғы 27 шілдедегі Заңының «Жоғары және (немесе) жоғары оқу орнынан кейінгі білім беру ұйымдарының қызметі мен құзыреті» 43-1-бабы 2) тармағының 6) тармақшасына сәйкес әзірленді.

Қарағанды техникалық университетіне (бұдан әрі ҚарТУ) жоғары және жоғары оқу орнынан кейінгі білімнің білім беру бағдарламалары бойынша оқуға түсетін тұлғаларды қабылдау республикалық және жергілікті бюджет қаражаты есебінен жоғары және жоғары оқу орнынан кейінгі білімнің білім беру грантын орналастыру, сондай-ақ азаматтардың өз қаражаты және өзге де көздер есебінен оқу ақысын төлеу арқылы жүзеге асырылады.

ҚарТУ-ға қабылдау Ережелеріне өзгерістер енгізу мониторинг және білім алушылар контингентін қалыптастыруды талдау нәтижелері бойынша және (немесе) Қазақстан Республикасының нормативтік-құқықтық актілеріне (бұдан әрі-НҚА) өзгерістер енгізілген жағдайда жүзеге асырылады.

1 Нормативтік құжаттар

1. «Білім туралы» 2007 жылғы 27 шілдедегі Қазақстан Республикасының Заңы;
 2. «Мемлекеттік көрсетілетін қызметтер туралы» 2013 жылғы 15 сәуірдегі Қазақстан Республикасының Заңы;
 3. Жоғары білім алу ақысын төлеу үшін білім беру грантын беру Ережелерін бекіту туралы. Қазақстан Республикасы Үкіметінің 2019 жылғы 7 ақпандағы № 39 қаулысы;
 4. Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың Үлгілік ережелерін бекіту туралы. Қазақстан Республикасы Білім және ғылым министрінің 2018 жылғы 31 қазандағы № 600 бұйрығы. Қазақстан Республикасының Әділет министрлігінде 2018 жылы 31 қазанда №17650 болып тіркелді;
 5. Жоғары білімнің білім беру бағдарламаларын іске асыратын білім беру ұйымдарына оқуға қабылдаудың үлгілік ережелері. Қазақстан Республикасы Білім және ғылым министрінің 2018 жылғы 31 қазандағы № 600 бұйрығына 1-қосымша;
 6. Жоғары оқу орнынан кейінгі білім беру бағдарламаларын іске асыратын білім беру ұйымдарына оқуға қабылдаудың үлгілік ережелері. Қазақстан Республикасы Білім және ғылым министрлігінің 2018 жылғы 31 қазандағы № 600 бұйрығына 2-қосымша
- Тиісті үлгідегі білім беру ұйымдары қызметінің Үлгілік ережелерін бекіту туралы. Қазақстан Республикасы Білім және ғылым министрінің 2018 жылғы 30 қазандағы № 595 бұйрығы.

2. Қабылдау тәртібі

Университетке жалпы орта, техникалық және кәсіптік, орта білімнен кейінгі, жоғары білімі бар тұлғалар қабылданады.

Басқарма төрағасы – ҚарТУ ректоры немесе оның міндетін атқарушы тұлғаның шешімімен қабылдау комиссиясы құрылады. Қабылдау комиссиясының құрамына про-

ректорлар, құрылымдық бөлімшелердің өкілдері және профессорлық-оқытушылар құрамы кіреді. Қабылдау комиссиясы тақ саннан тұрады және комиссия мүшелерінің көпшілік дауысымен қабылдау комиссиясының төрағасы сайланады. Басқарма төрағасы – ҚарТУ ректоры немесе оның міндетін атқарушы тұлға қабылдау комиссиясының жауапты хатшысын тағайындайды.

Қабылдау комиссиясының жұмыс кезеңі күнтізбелік жылдың 20 маусымынан 28 тамызына дейін.

Қабылдау науқаны басталғанға дейін үш күн бұрын ҚарТУ қабылдау комиссиясының жауапты хатшысы техникалық хатшылардың функцияларын егжей-тегжейлі түсіндіре отырып, нұсқама өткізеді.

2.1 БАКАЛАВРИАТ

2.1.1 Жоғары білімнің білім беру бағдарламалары бойынша ҚарТУ-ға түсетін адамдарды қабылдау республикалық бюджет және (немесе) жергілікті бюджет қаражаты және (немесе) нысаналы трансферттер шеңберінде республикалық бюджеттен түскен қаражат есебінен білім беру грантын орналастыру, сондай-ақ азаматтардың өз қаражаты және өзге де көздер есебінен оқуға ақы төлеу арқылы жүзеге асырылады.

2.1.2 Жоғары білім беру бағдарламалары бойынша түсетін өтініштерді қабылдауды ҚарТУ қабылдау комиссиясы ақпараттық жүйе арқылы жүзеге асырады. Өтініштерді қабылдау мерзімі күнтізбелік жылдың 13-20 шілдесі.

2.2.3 Республикалық бюджет қаражаты есебінен жоғары білімнің білім беру грантын беруге арналған конкурс күнтізбелік жылдың 21-31 шілдесі кезеңінде өткізіледі.

2.2.4 Жергілікті бюджет қаражаты есебінен жоғары білімнің білім беру грантын беруге арналған конкурс күнтізбелік жылдың 05-10 тамызы аралығында өткізіледі.

2.2 БАКАЛАВРИАТ. Қысқартылған оқу мерзімімен күндізгі бөлім

2.2.1 Жоғары білімді кадрлар даярлаудың ұқсас бағыттары бойынша оқуға түсушілерді қоспағанда, орта, техникалық және кәсіптік немесе орта білімнен кейінгі білім беру ұйымдарының түлектері шығармашылық дайындықты талап ететін жоғары білімнің білім беру бағдарламаларына оқуға түсушілерді қоспағанда, ҰБТ нәтижелері бойынша кемінде 50 балл, оның ішінде Қазақстан тарихы, математикалық сауаттылық, оқу сауаттылығы - оқу тілі бойынша кемінде 5 балл және әрбір бейіндік пән бойынша кемінде 5 балл жинаған кезде ҚарТУ-ға оқуға түсу құқықтары бар.

Ұқсас даярлық бағыттары бойынша оқуға түсетін техникалық және кәсіптік, орта білімнен кейінгі білім беру ұйымдарының түлектері ҰБТ нәтижелері бойынша кемінде 25 балл, оның ішінде жалпы бейіндік пән бойынша кемінде 5 балл және бейіндік пән бойынша кемінде 5 балл жинаған кезде ҚарТУ-ға ақылы оқуға түсуге құқылы.

Шығармашылық дайындықты талап ететін жоғары білімнің білім беру бағдарламаларына оқуға түсетін орта, техникалық және кәсіптік немесе орта білімнен кейінгі білім беру ұйымдарының түлектері ҰБТ нәтижелері бойынша кемінде 50 балл, оның ішінде Қазақстан тарихы, оқу сауаттылығы - оқу тілі бойынша кемінде 5 балл және әрбір шығармашылық емтихан бойынша кемінде 10 балл жинаған кезде ҚарТУ-ға ақылы оқуға түсуге құқылы.

Шығармашылық дайындықты талап ететін жоғары білімді кадрлар даярлаудың ұқсас бағыттары бойынша оқуға түсетін техникалық және кәсіптік, орта білімнен кейінгі білім беру ұйымдары түлектерінің ҰБТ және шығармашылық емтихан нәтижелері бойынша кемінде 25 балл, оның ішінде шығармашылық емтихан бойынша кемінде 10 балл және бейіндік пән бойынша кемінде 5 балл жинаған кезде ақылы оқуға ҚарТУ-ға оқуға түсуге құқығы бар.

2.2.2 Жоғары білімді кадрлар даярлаудың ұқсас бағыттары бойынша оқуға түсушілерді қоспағанда, ҰБТ нәтижелері бойынша шекті балл жинай алмаған орта, техникалық және кәсіптік немесе орта білімнен кейінгі білім беру ұйымдарының түлектері бірінші курс аяқталғанға дейін күндізгі оқу нысаны бойынша ақылы негізде ҚарТУ-ға қабылдана алады.

2.2.3 Ақылы негізде оқуға түсетін жоғары білімді кадрлар даярлаудың ұқсас бағыттары бойынша «орта буын маманы» немесе «қолданбалы бакалавр» біліктілігімен техникалық және кәсіптік немесе орта білімнен кейінгі білімі бар адамдарды қабылдауды ҚарТУ қабылдау комиссиялары жазбаша емтихан немесе әңгімелесу нысанында жүзеге асырады.

Жоғары білімі бар, ақылы негізде оқуға түсетін тұлғаларды қабылдауды әңгімелесу нысанында қабылдау комиссиялары жүзеге асырады.

2.2.4 Ақылы негізде оқуға түсетін шетелдік азаматтарды қабылдау күнтізбелік жыл ішінде Қабылдау комиссиялары өткізетін әңгімелесу нәтижелері бойынша жүзеге асырылады.

2.3 МАГИСТРАТУРА

2.3.1 Магистранттарды ҚарТУ-ға қабылдау ғылыми-педагогикалық және (немесе) бейінді бағыттар бойынша кадрлар даярлауға мемлекеттік білім беру тапсырысын орналастыру, сондай-ақ азаматтардың өз қаражаты және өзге де көздер есебінен оқуға ақы төлеу арқылы жүзеге асырылады.

2.3.2 Магистратураға түсушілердің өтініштерін қабылдауды ҚарТУ қабылдау комиссиясы ақпараттық жүйе арқылы жүргізеді. Өтініштерді қабылдау мерзімі 11.08-25.08. күнтізбелік жыл.

2.3.3 Магистратураға кешенді тестілеу күнтізбелік жылдың 20.07-10.08 аралығында компьютерлік форматта U-STUDY тестілеу орталығында өткізіледі.

2.3.4 Жергілікті бюджет қаражаты есебінен магистратураның білім беру грантын беру конкурсы күнтізбелік жылдың 25 тамызына дейін өткізіледі.

2.3.5 Шетел азаматтарын ақылы негізде ҚарТУ-ға магистратураның білім беру бағдарламалары бойынша оқуға қабылдау күнтізбелік жыл ішінде қабылдау комиссиялары жүргізетін әңгімелесу нәтижелері бойынша жүзеге асырылады.

2.4 ДОКТОРАНТУРА

2.4.1 Докторанттарды ҚарТУ-ға қабылдау ғылыми-педагогикалық және (немесе) бейінді бағыттар бойынша кадрлар даярлауға арналған мемлекеттік білім беру тапсырысын орналастыру, сондай-ақ азаматтардың өз қаражаты және өзге де көздер есебінен оқуға ақы төлеу арқылы жүзеге асырылады.

2.4.2 Докторантураға түсушілердің өтініштерін қабылдауды ҚарТУ қабылдау комиссиясы жүргізеді және құжаттар топтамасын қабылдауды, оларды Ұлттық тестілеу орталығының (бұдан әрі – ҰТО) ақпараттық жүйесінде тіркеуді жүзеге асырады. Өтініштерді қабылдау мерзімі күнтізбелік жылдың 3 шілдесінен 03 тамызына дейін.

2.4.3 Докторантураға ББ топтары бойынша түсу емтихандары күнтізбелік жылдың 04-20 тамызы аралығында U-STUDY тестілеу орталығында компьютерлік форматта өтеді.

3 Оқуға түсу емтихандарын өткізу тәртібі

3.1 БАКАЛАВРИАТ

3.1.1 Шығармашылық емтихандарды ұйымдастыру және өткізу үшін Басқарма төрағасы – ректор немесе оның міндетін атқарушы тұлғаның шешімімен күнтізбелік жылдың 20 маусымы мен 13 шілдесі аралығында (шығармашылық емтихандарды өткізу кезеңіне) емтихан комиссиялары құрылады.

Комиссия құрамы ҚарТУ профессорлық-оқытушылар құрамынан құрылады.

3.1.2 Шығармашылық емтихандар білім беру бағдарламалары топтарының Тізбесіне сәйкес (1-қосымша) білім беру бағдарламаларының топтары бойынша өткізіледі.

3.1.3 Шығармашылық емтихандарды өткізу бағдарламаларын күнтізбелік жылдың 20 маусымына дейін Басқарма төрағасы – ректор әзірлейді және бекітеді.

3.1.4 Шығармашылық емтиханды тапсыру үшін өтініштерді қабылдау күнтізбелік жылдың 20 маусымы мен 07 шілдесі аралығында ҚарТУ-да жүзеге асырылады.

3.1.5 Шығармашылық емтихандардың кестесін (емтиханды өткізу нысаны, күні, уақыты және өткізу уақыты, консультациялар) Басқарма төрағасы – ҚарТУ ректоры бекітеді және оқуға түсушілердің назарына күнтізбелік жылдың 20 маусымына дейін (құжаттарды қабылдау мерзімінен кешіктірмей) жеткізіледі.

3.1.6 Шығармашылық емтихан күнтізбелік жылдың 08-13 шілдесі аралығында өткізіледі.

Шығармашылық емтиханды өткізу қорытындылары бағалау ведомосімен, комиссия хаттамасымен еркін нысанда ресімделеді және нәтижелерді жариялау үшін қабылдау комиссиясының жауапты хатшысына (оның орынбасарына) беріледі. Комиссия хаттамасына емтихан комиссиясының төрағасы мен қатысып отырған барлық мүшелері қол қояды.

3.1.7 Шығармашылық емтиханның нәтижелері бойынша оқуға түсушіге шығармашылық емтиханды тапсыру орнына қарамастан, ҚарТУ-ға немесе басқа ЖОО-ға ақылы негізде түсу үшін ведомостен көшірме беріледі.

3.2 БАКАЛАВРИАТ. Қысқартылған оқу мерзімімен күндізгі бөлім

3.2.1 Шығармашылық дайындықты талап ететін жоғары білімнің білім беру бағдарламалары тобына түсетін, жалпы орта, техникалық және кәсіптік немесе орта білімнен кейінгі білімі туралы құжаттары бар тұлғалар екі шығармашылық емтихан тапсырады.

Жоғары білімді кадрлар даярлайтын ұқсас бағыттар бойынша шығармашылық дайындықты талап ететін жоғары білімнің білім беру бағдарламалары тобына түсуші адамдар бір шығармашылық емтихан тапсырады.

3.2.2 Шығармашылық дайындықты талап ететін жоғары білімнің білім беру бағдарламалары тобына түсетін орта немесе техникалық және кәсіптік, орта білімнен кейінгі білім беру ұйымдарының түлектері үшін Қазақстанның тарихы, оқу сауаттылығы (оқу тілі) бойынша балдар ескеріледі.

3.2.3 Жоғары білімді кадрлар даярлайтын ұқсас бағыттар бойынша шығармашылық дайындықты талап ететін жоғары білімнің білім беру бағдарламалары тобына түсетін адамдар үшін арнайы пән бойынша балдар ескеріледі.

3.2.4 Жалпы орта немесе техникалық және кәсіптік, орта білімнен кейінгі білімі туралы құжаттары бар оқуға түсушілер үшін шығармашылық емтихандар 45 балдық жүйе бойынша бағаланады.

3.2.5 Жоғары білімді кадрлар даярлайтын ұқсас бағыттар бойынша оқуға түсушілер үшін шығармашылық емтихан 20 балдық жүйе бойынша бағаланады.

3.2.6 Жоғары білімді кадрлар даярлайтын ұқсас бағыттар бойынша «орта буын маманы» немесе «қолданбалы бакалавр» біліктілігімен техникалық және кәсіптік немесе орта білімнен кейінгі білімі бар тұлғалар үшін және жоғары білімі бар, ақылы негізде түсетін тұлғалар үшін оқуға түсу емтихандарын ұйымдастыру және өткізу үшін Басқарма Төрағасы – ҚарТУ ректорының немесе оның міндетін атқарушы тұлғаның шешімімен күнтізбелік жылдың 01-20 тамызы аралығында (оқуға түсу емтихандарын өткізу кезеңіне емтихан комиссиялары құрылады).

3.2.7 Оқуға түсу емтихандары Жоғары және жоғары оқу орнынан кейінгі білім беру кадрларын даярлау жіктегішіне сәйкес білім беру бағдарламаларының топтары бойынша өткізіледі.

3.2.8 Оқуға түсу емтихандарын өткізу бағдарламалары ҰБТ пәндеріне сәйкес білім беру бағдарламаларының тиісті топтары бойынша әзірленеді және Басқарма Төрағасы – ҚарТУ Ректоры күнтізбелік жылдың 01 шілдесіне дейін бекітеді.

3.2.9 Оқуға түсу емтиханын тапсыру үшін түскен өтініштерді қабылдау күнтізбелік жылдың 20 маусымынан 20 тамызына дейін жүзеге асырылады.

3.2.10 Оқуға түсу емтихандарының кестесін (емтихан өткізілетін күні, уақыты және орны) Басқарма Төрағасы – ҚарТУ ректоры бекітеді және оқуға түсушілердің назарына күнтізбелік жылдың 30 шілдесіне дейін (оқуға түсу емтихандарын өткізу басталғанға дейін) жеткізіледі.

3.2.11 Оқуға түсу емтихандары күнтізбелік жылдың 01-20 тамызы аралығында өткізіледі.

Оқуға түсу емтиханын өткізу қорытындылары бағалау ведомосімен және комиссия хаттамасымен еркін нысанда ресімделеді және нәтижелерді жариялау үшін жіберіледі.

Комиссия хаттамасына емтихан комиссиясының төрағасы және қатысқан барлық мүшелері қол қояды.

3.3 МАГИСТРАТУРА

3.3.1 Магистратураға жоғары білімнің білім беру бағдарламаларын меңгерген тұлғалар қабылданады. Магистратураға түсуші тұлғалар шет тілі бойынша тесттен, білім беру бағдарламалары тобының бейіні бойынша тесттен, оқуға дайындығын анықтау тестінен тұратын білім беру бағдарламаларының топтары бойынша кешенді тестілеу тапсырады.

3.3.2 Магистратураға түсушілер өтініште білім беру бағдарламаларының бір тобын және 3 (үш) дейін жоғары және жоғары оқу орнынан кейінгі білім беру ұйымдарын көрсетеді.

3.3.3 Кешенді тестілеу күнтізбелік жылдың 20 шілдесі мен 10 тамызы аралығында өткізіледі. Кешенді тестілеу нәтижелері бойынша сертификат беріледі. Кешенді тестілеуді тапсырған жылы оны қайта тапсыруға жол берілмейді.

3.4 ДОКТОРАНТУРА

3.4. 1 Докторантураға «магистр» дәрежесі және кемінде 9 (тоғыз) ай жұмыс өтілі бар тұлғалар қабылданады.

3.4.2 Докторантураға түсушілер шет тілін меңгерудің жалпыеуропалық құзыреттеріне (стандарттарына) сәйкес шет тілін меңгеруді растайтын халықаралық сертификаттарды ұсынады:

- ағылшын тілі: test of English as a Foreign Language Institutional Testing Programm-Тест ов Инглиш аз а Форин Лангудж Инститьюшнал Тестинг программ (TOEFL ITP (ТОЙФЛ АЙТИПИ) – кемінде 460 балл), test of English as a Foreign Language Institutional Testing Programm (Тест ов Инглиш аз А Форин Лангудж Инститьюшнал Тестинг ПРОГРАММ Internet-Based Test (Интернет Бейзид тест) (TOEFL IBT (ТОЙФЛ АЙБИТИ), шекті балл – кем дегенде 87), (TOEFL (ТОЙФЛ) шекті балл – кемінде 560 балл), International English Language Tests System (Интернашнал Инглиш Лангудж Тестс Систем (IELTS (АЙЛТС), шекті балл - кемінде 6.0);

- неміс тілі: Deutsche Sprachpruefung fuer den Hochschulzugang (дойче шпрахпрюфун фюр дейн хохшулцуган) (DSH, Niveau C1/C1 деңгейі), TestDaF-Prufung (TestDaF-prufun) (Niveau C1/C1 деңгейі);

- француз тілі: test de Franzais International™ -тест де Франс Интернациональ (TFI (TFI) – оқу және тыңдау секциялары бойынша B1 деңгейінен төмен емес), Diplome d ' Etudes en langue franzaise - Диплом дэтюд ан Ланг франсэз (DELF (DALF), B2 деңгей), Diplome Approfondi de Langue franzaise - диплом Аппрофонди де Ланг Франсэз (diplome Approfondi de langue franzaise DALF (DALF), C1 деңгей), Test de connaissance du FRANZAIS - тест де коннэссанс дю Франс (TCF (TCF) – кемінде 400 балл).

Ұсынылатын сертификаттардың түпнұсқалығын ҚарТУ қабылдау комиссиясы тексереді.

3.4.3 Докторантураға түсу емтихандарын ұйымдастыру және өткізу күнтізбелік жылдың 04-20 тамызы аралығында U-STUDY тестілеу орталығында өткізіледі

Емтихан комиссияларының құрамын олардың төрағаларын көрсете отырып ЖЖОКБҰ басшысының орынбасары бекітеді және білім беру саласындағы уәкілетті органға жіберіледі.

Басқарма Төрағасы – ҚарТУ ректоры немесе оның міндетін атқарушы тұлғаның шешімімен эссе мен емтихан сұрақтарына жауаптарды тексеру үшін емтихан комиссиялары және білім беру бағдарламаларының топтары бойынша апелляциялық комиссиялар құрылады. Кадрларды даярлаудың ұқсас бағыттары бойынша бір емтихан комиссиясын құруға жол беріледі.

3.4.4 Білім беру бағдарламаларының топтары бойынша емтихан комиссиялары тиісті бейіні бойынша ғылым докторы немесе кандидаты ғылыми дәрежесі немесе философия докторы (PhD) дәрежесі бар профессорлық-оқытушылар құрамы қатарынан құрылады. Емтихан комиссиясының құрамына апелляциялық комиссияның мүшелері кірмейді.

ЖЖОКБҰ-ның емтихан комиссиялары оқуға түсушінің жеке коды бойынша жұмыстарды тексереді және қарау нәтижелерін одан әрі жариялау үшін ақпараттық жүйе арқылы ҰТО-ға жібереді.

3.4.5 Оқуға түсу емтихандарын өткізу бағдарламалары білім беру бағдарламаларының тиісті топтары бойынша әзірленеді және Басқарма Төрағасы – ҚарТУ ректоры күнтізбелік жылдың 16 маусымына дейін бекітеді, содан кейін ҚарТУ сайтқа орналастырады.

3.4.6 Оқуға түсу емтихандарының кестесін (емтихан өткізілетін күні, уақыты және орны) үміткерлер онлайн тіркелу кезінде өздері таңдайды.

3.4.7 Оқуға түсу емтихандары күнтізбелік жылдың 04-20 тамыз аралығында өткізіледі. Білім беру бағдарламаларының топтары бойынша оқуға түсу емтихандары 1 үміткер - 1 компьютер - 1 камера қағидаты бойынша U – STUDY тестілеу орталығында өткізіледі. Түсу емтиханын өткізу қорытындылары емтихан өткізілетін күні бағалар ведомосімен ресімделеді және ҰТО-ға беріледі.

4 Қабылдау тәртібі

4.1 БАКАЛАВРИАТ

4.1.1 Студенттерді ҚарТУ-ға қабылдауды университеттің қабылдау комиссиясы күнтізбелік жылдың 10 тамызы мен 25 тамызы аралығында Басқарма Төрағасы – ҚарТУ Ректоры немесе оның міндетін атқарушы тұлғаның бұйрығымен жүргізеді.

Республикалық бюджет қаражаты есебінен білім беру гранты иегерлерін қабылдау, сондай-ақ азаматтардың өз қаражаты және өзге де көздер есебінен оқу ақысын төлеу білім беру бағдарламаларының тиісті топтарының білім беру бағдарламаларына қабылдау Қазақстан Республикасының нормативтік-құқықтық актілеріне және өңір экономикасы салаларының даму ерекшелігіне сәйкес ҚарТУ Ғылыми кеңесінің шешімі негізінде жүзеге асырылады.

Қажет болған жағдайда ҚарТУ қабылдау комиссиялары университетке түсу үшін қосымша емтихан өткізеді.

4.1.2 ЖОО-ға қабылдау жоғары білімнің білім беру бағдарламалары және тілдік бөлімдер бойынша бөлек жүргізіледі.

Шығармашылық емтихандар белгіленген жоғары білімнің білім беру бағдарламаларына қабылдау осы емтихандар бойынша балдарды ескере отырып жүргізіледі.

4.1.3 Мемлекеттік грант негізінде оқуға түсетін Қазақстан Республикасының азаматтары Қазақстан Республикасы Үкіметі айқындаған тәртіппен кемінде 3 (үш) жыл жұмыспен өтеу туралы шарт жасасады.

4.2 МАГИСТРАТУРА

4.2.1 Магистратураға ақылы негізде тұлғаларды қабылдау КТ қорытындылары бойынша 2-қосымшаға сәйкес қазақ немесе орыс тілінде оқытатын магистратураға КТ үшін бағалаудың 150 балдық жүйесінің шкаласына сәйкес жүзеге асырылады: кемінде 50 балл, бұл ретте шет тілі бойынша – кемінде 25 балл, білім беру бағдарламалары тобының бейіні бойынша: бір дұрыс жауапты таңдаумен – кемінде 7 балл, бір немесе бірнеше дұрыс жауапты таңдаумен – кемінде 7 балл, оқуға дайындығын анықтауға арналған тест бойынша – кемінде 7 балл.

4.2.2 Мемлекеттік білім беру тапсырысы бойынша оқуға 2-қосымшаға сәйкес ғылыми-педагогикалық және бейінді магистратура үшін КТ бойынша ең жоғары балл – кемінде 75 балл жинаған тұлғалар конкурстық негізде қабылданады.

Шет тілі (ағылшын, француз, неміс) бойынша тест тапсырғаны туралы сертификаттары бар адамдарға 50 балл есептеледі.

4.2.3 Магистранттарды ҚарТУ-ға қабылдауды университеттің қабылдау комиссиясы күнтізбелік жылдың 28 тамызына дейін Басқарма Төрағасының - ҚарТУ ректорының немесе оның міндетін атқарушы тұлғаның бұйрығымен жүргізеді.

Шетел азаматтарын қабылдау академиялық күнтізбеге сәйкес келесі академиялық кезең басталғанға дейін 5 (бес) күн бұрын жүзеге асырылады.

4.3 ДОКТОРАНТУРА

4.3.1 Тұлғаларды докторантураға қабылдау шет тілін меңгерудің жалпыеуропалық құзыреттеріне (стандарттарына) сәйкес шет тілін меңгергенін растайтын халықаралық сертификат негізінде және докторантураның білім беру бағдарламалары тобының бейіні бойынша оқуға түсу емтиханының қорытындысы бойынша ықтимал 100 балдан кемінде 50 балл жинаған жағдайда жүзеге асырылады.

4.3.2 Мемлекеттік білім беру тапсырысы бойынша конкурстық негізде докторантураға оқуға түсу емтиханы бойынша кемінде 75 балл жинаған тұлғалар қабылданады.

4.3.3 Докторанттарды ҚарТУ-ға қабылдауды университеттің қабылдау комиссиясы күнтізбелік жылдың 28 тамызына дейін Басқарма Төрағасының - ҚарТУ ректорының немесе оның міндетін атқарушы тұлғаның бұйрығымен жүргізеді.

5 Қорытынды ережелер

5.1. ҚарТУ-ға қабылдау Ережелерінің іске асырылуын бақылауды қабылдау комиссиясының жауапты хатшысы жүзеге асырады.

5.2. ҚарТУ-ға қабылдаудың осы Ережелері жұмыста міндетті түрде пайдалану үшін ҚарТУ-дың барлық құрылымдық бөлімшелері басшыларының назарына жеткізіледі.

**Шығармашылық дайындықты талап ететін білім беру бағдарламалары топтары-
ның тізбесі**

ББ тобының номері	ББ тобының атауы	Шығармашылық емтихан 1*	Шығармашылық емтихан 2
B073	Сәулет	Сурет	Сызу

*** қысқартылған оқыту мерзімдерін көздейтін жоғары білімді кадрларды даярлайтын ұқсас бағыттар бойынша**

Оқыту қазақ немесе орыс тілінде жүргізілетін магистратураға кешенді тестілеуге арналған 150 балдық бағалау жүйесінің шкаласы

Тест түрлері	Тапсырма түрі	Тапсыру тілі	Тесттер саны	Балдары
Шет тілі бойынша тест	Тыңдау Лексика-грамматикалық тест Оқу	Ағылшын / Неміс / Француз	50	50
Оқуға дайындығын анықтауға арналған тест	бір дұрыс жауапты таңдау арқылы	Қазақ / Орыс	30	30
Білім беру бағдарламалары тобының бейіні бойынша тест	бір дұрыс жауапты таңдау арқылы	Қазақ / Орыс	30	30
	бір немесе бірнеше дұрыс жауапты таңдау арқылы	Қазақ / Орыс	20	40
Барлығы			130	150